

անորոշութիւն է տիրում: Առհասարակ անորոշութիւնը հեղինակի գրութեան խիստ աչքի է ընկնում: Մի երկու երեք խօսքով անձնաւորութեան նկարագիր է տալի, մի դէպք թիթեակի յիշում և այն էլ առանց պատճառաբանութեան, առանց պարզելու դէպքի կարեորութիւնը ամբողջութեան համար:

Հեղինակի գլխաւոր թերութիւնը հէնց այդ կիսատ պատահար նկարագրելու մէջն է, որից առաջ է գալի այն, որ գրութեան հանդիպում են կտորներ, որոնք եթէ հանուեն, վէպը իր գոյնն ու բովանդակութիւնը կպահէ այդ կտորները կարծես միայն միջանկեալ տեսարաններ են: Ընդհանրապէս հեղինակը տեսարաններ է նկարագրում աւելի, քան մի ամբողջ նիւթ մշակում սկզբից մինչև վերջը կապակցուած կերպով: Երևում է, որ գրիտէ հարցեր շօշափել, նորութիւն տալ ընթերցողին, այլ և լինել բնական, պարզ ոճով ու հեռու զանազան արուեստական ձևերից ու խժողումներից:

Բայց նրա միտքը չափազանց արագ է գործում գրչից, ուստի թղթի վրայ երևում է միայն մտքում եղածի գրիթէ կէսը, ուստի և ընթերցողը այն չէ ստանում ինչ որ հեղինակն ունեցի է իր մտքում: Նրան պակասում է ոչ միայն վարժութիւն՝ գրիչը մտքի չափ արագացնել կամ աւելի լաւ է ասել գրիչը մտքի ձիշտ որքան կարելի է արտայայտողը զարձնել, այլ և ձեռք բերել դիտողութիւն. մեր գրողների մէջ ընդհանրապէս կհանրը իր մանրամասնութիւններով լաւ գիտելու յատկութիւնը պակասում է. առաւել ևս այդ նկատելի է սկանակի գրութեան: Գրողին թւում է, թէ որ ինքը հասկանում է, ընթերցողն էլ իր նման կհասկանայ ամեն ինչ: Նա պէտք է նկարչի նման կարողանայ սուր դիտողութեամբ բնութեան մէջ այնպիսի գոյների այնպիսի ներդաշնակութիւններ տեսնել, որ սովորական մարդու աչքից վրիպում են:

Թորոսեանը շատպում է իր պատմութիւնն անել, հրեմն էլ աւելորդ մանրամասնութիւններ է մտցնում, որոնցից եթէ խուսափէ, գրութեան աւելի արժէք կստանայ: Մանաւանդ ցանկալի է, որ սիրոյ, բնութեան նկարագրներում հին ու մանտիկ ձևերից խուսափէ, որովհետև այդ մեր ժամանակի ոգուն չին համապատասխանում. սոխակ, կարկաչուն առու, լուսին, անտառ և այլն (97, 103, 120-2 հր.): Անհրաժեշտ է, որ հեղինակը լաւ ծրագրէ գրութեանը, ինքն իր համար

պարզէ էականն ու երկրորդականը և հարցը շօշափելիս նիւթը մշակ է:

Տեխնիկականի կողմից անհրաժեշտ է սրբագրութեան վրայ լուրջ ուշադրութիւն դարձնել. թէ այս վէպը, թէ նրա մի ուրիշ վէպը (չին տանը) տառասխալներ, ուղղագրութեան սխալներ շատ կան:

Գրութեան առաւելութիւններից է և այն, որ սահուն ոճով է գրութեան, թիթեակ կարգացում է, նիւթը խճողում չէ մտածածին տեսարաններով ու դէպքերով: Սկանակի թերութիւնների հետ առաւելութիւններ էլ ունենալով, հեղինակը կաշխատէ անշուշտ իր յետագայ աշխատութիւններում հետզհետէ կրճատել իր անփորձութիւնից ստացած պակասութիւնները, որպէսզի ունեցած ընդունակութիւնը աւելի պարզ ու լրիւ հանդէս բերէ:

Pessimist

ՆԱՄԱԿ ԽՍՐԱԳՐՈՒԹԵԱՆ

Հայոց գրերի դիւտի 1500 ամեակի և տպագրութեան 400 ամեակի առթիւ Ն. Սրբութեան կարգադրութեամբ կազմուած և հաստատուած է խմբագրական մի մասնաժողով, որի վերայ տպատարութիւն է դրուած մի գիտական ժողովածու հրատարակել միացեալ երկու մեծ տօներին վայել լրջութեամբ և ճոխութեամբ: Ժողովածուի նիւթ պէտք է լինի ընդարձակ մտքով հասկացուած հայագիտական ամեն մի յօդուած, այսինքն հայ պատմութեան, մատենագրութեան, լեզուի, հնագիտութեան և արուեստի, աշխարհագրութեան, ազգագրութեան ևն. վերաբերեալ, որ կընդունուի խմբագրական մասնաժողովի կողմից: Յօդուածի ծաւալը պէտք է լինի ոչ աւելի, քան երկու տպագրական թերթ 160: Իւրաքանչիւր երեսի համար նշանակուած է մի բուքի վարձատրութիւն: Այսու Մ. Աթուրի կարող միաբաններից և ձեմարանի ուսուցիչներից զատ հրաւիրուած են և գրսի հայ բանասէրները մասնակցելու մեր կազմիլիք ժողովածուին: ԅօդուածները պէտք է ուղարկուեն ոչ ուշ քան հոկտեմբերի վերջը: Զընդունուած յօդուածները հեղինակներին ցանկութեան համեմատ յիտ կուղարկուին իրենց:

Խմբագրական Մասնաժողովի
 փոխ Նախագահ՝ Գ.Ա.Ն.Գ.Ի.Ն. Վ.Ա.Դ.Ա.Պ.Ն.Տ.
 Քարտուղար՝ ՍՏԵՓԱՆ ԿԱՆԱՅԵԱՆՏ